

incredulitatem et duritatem arguens, Act. VII, 51: *Vos, inquit, semper Spiritui Sancto resistitis. Unde sic ratiocinamur: Ibi gratia vere et pure sufficiens adstruitur, ubi Deus proficitur se ea auxilia contulisse, quibus homines recte utentes poterant ac debebant bene ac salutariter agere ac operari, et qua effectu suo non caruerunt nisi ex sola culpa ac resistentia illorum qui ea receperunt, et hac ipsa de causa a Deo graviter arguuntur; atqui... ergo...*

Scripturarum auctoritati S. Augustinum adjicimus; ex eius prope innumeris testimoniis, quae adduci possent, unum aut alterum proferemus. Nam, lib. LXXXIII Quæstionum, hæc habet: *Ad illam cœnam quam Dominus dicit in Evangelio præparatam, nec omnes qui vocati sunt venire voluerunt, neque illi, qui venerunt, venire possent, nisi vocarentur. Itaque nec illi debent sibi tribuere, qui venerunt, quia vocati venerunt, nec illi, qui noluerunt venire, debent alteri tribuere, sed tantum sibi; quoniam, ut venirent, vocati erant in libera voluntate... Propterea, eti quisquam sibi tribuit, quod venit vocatus (1), non sibi potest tribuere, quod vocatus est. Qui autem vocatus non venit, sicut non habuit meritum præmii ut vocaretur, sic inchoat meritum supplicii, cum vocatus venire neglexerit (2). Lib. de Spir. et liu. loquens de infidelibus evangelio non credentibus, ait: Experturi (sunt) in suppliciis potestatem ejus, cuius in donis misericordiam contempserunt (3). Præterea S. Doctor aperte negat, omnem gratiam efficacem esse, dicens: Sed, si vocatio ista ita est effectrix bona voluntatis, ut omnis eam vocatus sequatur, quomodo verum erit: multi vocati, pauci electi (4)? Et alibi passim constanter id ipsum docet (5).*

Hanc doctrinam non minus aperte tradit Tridentina Synodus, dicens: *Nemo temeraria illa et a Patribus sub anathemate prohibita voce uti (debet): Dei precepta homini justificato ad observandum esse impossibilitas. Num Deus impossibilia non jubet, etc. (6). Ergo ex Concilio omnes justi habent gratias relative necessarias ad divina mandata servanda. Sed plures justi ea non servant et a justitia excidunt. Ergo non efficaces, sed vere solum et mere sufficiens gratias ad ea servanda, qui delinquunt, consequuntur. Id ipsum jam declaraverat Concilium Arausicanum II, can. XXI; cui consonat Synodus Tridentina. Demum hoc spectant propositiones in Quesnello damnatae; scilicet IX: *Gratia Christi est gratia suprema, sine qua**

(1) Et hic obiter notetur, S. Augustinum non refragari, quominus quispiam sibi tribuat consensum, quem gratia præstet, nec existimare Apostoli verba: *Quid habet quod non accepisti? huic libero assensiū contraria esse.*

(2) Quæst. LXVIII, n. 5.

(3) Cap. 33, n. 58.

(4) Ad Simplic. lib. 1, quæst. II, n. 43.

(5) Cfr. Tricass. *De indifferenti*, etc. part. 2, sect. LIII, ubi innumeris prope adductis ex S. Doctore testimoniis evidenter ostendit, ipsum locutum esse de gratia interiori ac medicinali, cui sæpe resistitur. Id ipsum præstut P. Deschamps, op. cit. lib. II, disp. VIII, cap. 4 et seqq., ac omnia Jansenii divulgula luctuenter non minus quam solide evertit.

(6) Ses. VI, cap. 41.

Christum confiteri nunquam possumus, et cum qua nunquam illum abnegamus; et XI: Gratia est operatio manus Omnipotentis Dei, quam nihil impedire potest, aut retardare; aliaque ejusmodi, quæ eundem sensum præ se ferunt, eti diversis verbis expressæ (1).

Ratio vero theologica ineluctabilis est. Etenim Deus, ut suo loco ostendimus (2), etiam in praesenti statu vere ac sincere vult omnium hominum salutem ac præceptorum suorum observantiam; ergo omnibus suppediat media ad utrumque finem assequendum necessaria. Sed iis non obstantibus multi quotidie peccant ac percunt; ergo non efficacia, sed solum sufficientia ejusmodi subsidia seu gratia saepe sunt (3); seu, quod in idem recidit, datur in praesenti statu gratia mere et vere sufficiens, etc. prout probandum assumpsimus.

DIFFICULTATES.

Obj. prima. 1° Præterquam quod nuspian in Scripturis gratia ista sufficiens commemoratur, 2° aperte ab iis excluditur in omnibus illis locis, quæ divine voluntatis ac omnipotentiae Dei vim extollunt: *Verbum, quod egredietur de ore meo, ait Dominus apud Isaiam, LV, 11, non revertetur ad me vacuum; sed faciet quæcumque volui. Et Ps. CXIII, 3: Deus noster in cælo, omnia quæcumque voluit, fecit. Rom. IX, 19: Voluntati ejus quis resistit?* inquit Apostolus, qui paulo ante (15 et 16) jam dixerat ex Dei nomine: *Miserebor, cuius misereor; et misericordiam præstabō, cuius miserebor. Igitur non volentis, neque currentis, sed miserentis est Dei.* 3° Sane, inquit Christus, Joan. VI, 45: *Omnis, qui audivit a Patre meo et didicit, venit ad me. Quæ verba expendens S. Augustinus: Quid est, interrogat, omnis, qui audivit a Patre et didicit, venit ad me, nisi, nullus est qui audiat a Patre et discat, et non veniat ad me? Si enim omnis, qui audivit a Patre et didicit, venit; profecto omnis, qui non venit, non audivit a Patre, nec didicit; nam, si audiisset et didicisset, veniret (4).* Ergo nulla datur gratia mere sufficiens, cum nemo sit, qui verae ac internæ vocationi resistat.

Resp. ad 1, Dist. Nomen seu vox *gratia sufficiens* nuspian in Scripturis commemoratur, prout pariter non occurrit nomen *gratia efficacis*, conc.; non commemoratur res per nomen significata, neg.

(1) Cfr. in has propositiones P. Fontaine in cit. op. SS. D. N. Clementis Papæ xi Constitutio Unigenitus theologicæ propugnata, tom. I, pag. 154 et seqq., ubi copiose eas refellit, ostendendo, eas hæreticas esse, ac non minus Scripturis, quam Patrum, præsertim S. Augustini, auctoritati ac Conciliorum definitionibus adversari.

(2) Tract. *De Deo*, n. 460 et seqq.

(3) Cfr. auctores citati nec non P. Daniel, *Traité théologique touchant l'efficacité de la grâce*, qui inventur in op. Recueil de divers ouvrages philosophiques, théologiques, etc., par le R. P. Daniel de la Comp. de Jésus, Paris 1724, tome second.

(4) Lib. De prædest. Sanct. cap. VIII, n. 45.

Quæ attulimus ex Scripturis testimonia id abunde docent.

Ad 2, Neg. Etenim superius jam animadvertisimus, duo ab adversariis permisceri, quæ sunt ob invicem distinguenda, omnipotentia scilicet ac voluntas divinae vim et efficaciam ac voluntas divinae vim et efficaciam gratiae.

Divine omnipotentia ac voluntatis, quidpiam absolute decernent, nemo profecto est qui resistat aut resistere possit. Tot enim ac tanta eidem suppetunt adjumenta ad finem obtainendum, quem absolute intendit, ut impossibile sit tam finem Deum non assequi. Ast non idem dici potest de gratia, quam homo semper respire potest, seu cui potest assensum denegare. Ideo Deus, juxta S. Augustinum, cum quæcumque vult absolute convertere, eam gratiam se legit ac confert, cui per scientiam suam prævidet libere quidem, verum tamen certe eum assensurum.

Nempe illum vocat, quomodo scit ei congruere, ut vocantem non respuat. Nec aliud evincunt objecta testimonia Scripturarum, que semper loquuntur de omnipotentia ac voluntate Dei, non autem de adjumentis seu de gratiis, quibus utitur divina omnipotencia, aut quod idem est, divina voluntas ad conversionem, quam efficaciter vult, obtainendam. Ut igitur aliquid proficerent adversarii, deberent ostendere, Deum semper absolute velle aut conversionem aut mandatorum observantiam. Ast quomodo id poterant efficeri, si in singulis fere sacrarum Scripturarum paginis Deus conqueritur de hominum malitia, resistentia, duritie, ob quas ejus voluntati obsistunt, ita ut flagella, ac punitionem æternam eis minitetur?

Quæ quidem sunt totidem argumenta ineluctabilia ad evincendum, non semper Deum absolute quidpiam velle, ac propterea gratias hominibus conferre, quibus isti, si velint, oblectentur; alioquin aut Deus fingeret, nec serio haec dicaret, aut penas æternas intentaret hominibus, qui absque sua culpa deliquerint, quæ sunt absurdæ. Et hinc responsio patet ad singula adducta loca, quibus responderi debet, Dist. Verbum Dei faciet quæcumque Deus vult, aut Dei voluntati nemo resistit, etc., cum Deus quidpiam absolute intendit aut decernit, et quidem per media idonea, conc.; si ea ratione nec intendat, nec velit, neg.

Ad 3, Dist. Omnis venit, qui audivit et didicit, id est, assensum præbuit, conc.; qui solum audivit, at non didicit seu assensum recusavit, neg. Plures enim sunt, qui audiunt, at non discunt, non ex defectu loquentis, sed audientium, qui nolunt intelligere ut bene agant (1). Quare Theophylactus illud didicit exponit, credidit. Eodem sensu loquitur S. Augustinus, nempe de gratia efficaci seu reduplicative sumpta, quæ scholarum est sermo. Hinc negamus conseq. Si enim verae ac internæ vocationi nemo resisteret, non dixisset Deus, Prov. I, 24: *Vocavi, et renuisti; aut Is. LXV, 12: Pro eo quod vocavi, et non respondisti; locutus sum, et non audistis... et quæ noui elegisti.*

(1) Ps. XXXV, 4.

Inst. 1° S. Augustinus de gratia efficaci exponit verba Christi, Joan. VI: *Nemo potest venire ad me, nisi Pater.. trazerit eum (1).* Ergo cum sine gratia efficaci nemo possit venire, patet, gratiam sufficientem nullam existere, quæ completam conferat agendi potentiam. 2° Etenim, si Deus miseretur, etiam volumus, ut idem Sanctus testatur (2). Ideo autem Deus alicujus miseretur importet ei gratiam, quia vult eum salvare; divina autem voluntati salvandi hominem, juxta eundem nunquam resistitur; sic enim loquitur: *Volenti salvum facere nullum hominum resistit arbitrium (3).* Ergo.

Resp. ad 1, Dist. cons. Nemo potest efficaciter venire, nisi efficaciter trahatur seu ex præviso hominis consensu, conc.; nemo potest absolute seu simpliciter venire, nisi ita trahatur, neg. Ac propterea nego sequelam. Responsio patet ex superius dictis (4).

Ad 2, Dist. Si Deus ita misereatur, quomodo scit ei congruere, ut vocantem non respuat, conc.; secus, neg.

Ad 3, Dist. Divinæ voluntati salvandi hominem absolutæ juxta dicta, conc.; conditionatae, neg. De hac enim conditionata voluntate sic loquitur idem Sanctus: *A quo interitu, hoc est, a penitentiis, Deus misericors volens homines liberare, si sibi ipsi non sint inimici, et non obsistant misericordia Creatoris sui (5).*

Obj. secunda. Hæc doctrina de gratia sufficienti pro presenti hominis statu adversari universæ theoriae S. Augustini, quam ipse tradidit præsertim in Libro de Corrept. et grat. Etenim S. Doctor in hoc libro 1° pro certo sumit, dari disparitatem inter gratiam status naturæ innocentis et status naturæ lapsæ; ita ut in statu naturæ innocentis Deus contulerit gratiam sufficientem, quam homo respire posset, prout re ipsa eam respuit: in statu autem naturæ lapsæ conferat gratiam efficacem, seu longe validorem, quam homo respire nulla ratione valeat. 2° Hinc propterea duplex illud celebre adjutorium distinguit, quod recte vocaveris clavem ad intelligentiam doctrinæ S. Augustini apollissimam, imo unicam: *Ipsa adjutoria, inquit, distinguenda sunt. Aliud est adjutorium, SINE quo aliquid non fit, et aliud est adjutorium, quo aliquid fit. Nam sine alimentis non possumus vivere; nec ta-*

(1) Tract. xxvi in Joan. n. 2 et seqq.

(2) Ad Simplic. lib. I, q. 11, n. 42.

(3) Lib. de corrept. et grat. cap. 14, n. 43.

(4) Ut luculentius pateat mens S. Doctoris, satis est affere ejus verba ex loco nobis objecto. Sic porro loquitur, n. 4: *Noli te cogitare invitum trahi; trahitur animus et amore... Quomodo voluntate credo, si trahor? Ego dico: parum est voluntate, etiam voluptate traheris. Quid est trahi voluntate? Delectare in Domino, et dabit tibi petitiones cordis tui.* Et paulo infra: *Da amantem, et sentit quod dico. Da desiderantem, da escentem, da in ista soliditudine peregrinantem atque sitiem, et fontem æternæ patriæ suspirantem, da tolem, et scit quid dicam. Si autem frigido loquor, nescit quod loquor. Deinde n. 7 concludit: Videte, quomodo irruit Pater: docendo delectat, non necessitatē impo-*

nendo.

(5) Lib. de catechiz. rudib. cap. 25, n. 56.

men, cum adfuerint alimenta, si ut vivat, qui niori voluntatis, ut vocant, que gratia illustrationis longe firmior ac fortior est, vindicat et adstruit S. Augustinus aduersus Pelagianos in lib. cit. Imo ulterius progeditur; disputans enim aduersus monachos Adrumentinos totus in eo est, ut gratiam hanc sanitatis, qua instruitur homo lapsus per Christi merita, effeat et commendet pre illustrationis gratia, qua praeditus erat homo innocens. Inter cetera porro discrimina et hoc recenset, quod gratia illa dederit primo homini solam perseverantie possibilitatem seu potentiam; cum haec conferat et ipsam perseverantiam, ut patet in praedestinatis, qui eam actu habuerunt; etsi magna intercedat disparitas inter conditionem hominis innocentis et hominis lapsi relate ad facilitatem vel difficultatem perseverandi, ut ipse S. Doctor late prosequitur (1). Perperam tamen quispiam inferret, non dari hominibus lapsi aliam gratiam praeter efficacem, aut perseverantiam ipsam finalem, prout activa et passiva est. Nunquam talis mens fuit S. Augustini, ut constat ex omnibus locis, que ex ipso adduximus, et longe pluribus, que afferri possent. Si his addatur, quod alias non semel animadvertisimus, hanc gratiae efficaciam ex praescientia Dei, que ipsius omnipotentiam comitetur, repeti a S. Doctore, patet, totam male constructam corruere adversariorum machinam (2).

Hil. resp. Neg. antec. Theoria enim S. Augustini est, gratia medicinali Salvatoris hominem lapsum et infirmum fuisse sanatum (2), restitutum ad pristinum statum, ex quo ceciderat (3), instauratam imaginem Dei, in qua conditi eramus (4), ut toties inculcat. Jam vero, adversariis fatentibus, primus homo seu homo innocens praeditus erat libertate indifferentiae, gratiis pollebat indifferentibus; ergo ex S. Augustini doctrina homo lapsus eadem libertate indifferentiae iisdemque gratiis instrutus sit necesse est.

Cum tamen homo innocens in absoluta naturae integritate existeret, ac plena propterea libertate frueretur ad bonum agendum, ac perseverandum in eo statu, in quo constitutus a Deo fuerat; ideo ipsi opus non erat ad actus salutares eliciendos nisi gratia illustrationis, qua ad hos actus excitaretur. Contra vero homo lapsus, ob amissam per peccatum illam integratatem ac naturae vigorem infirmus effectus est, et gravibus urget interioribus ac exterioribus tentationibus, quae maxime sibi sunt impedimento ad bonum cognitionem et amplectendum; sola proinde gratia illustrationis non recuperaret amissam illam libertatis plenitudinem, quam habuit homo integer. Ad hanc igitur integritatem recuperandam, restituendam ac restaurandam, seu ad adipiscendam illam plenitudinem libertatis necessaria præterea eidem est gratia inspirationis seu fortitudinis, vigoris ac roboris, qua possit omnia interna ac externa impedimenta vincere ac superare. Hanc porro homini lapso promeritus est Christus, et hanc gratiam sanitatis seu

(1) Cap. 12, n. 34, 37 et 38. Hic mire exultant Calvinus, Jansenius eorumque assecæ.

(2) De civ. Dei, lib. xiv, cap. ii, n. 2: Ea, inquit, que vitata ac depravata fuerat (natura), sanata atque correcta.

(3) Retract. lib. i, cap. 9, n. 2.

(4) Lib. De spir. et liu. cap. 27, n. 47. Alia vide apud Tricass. op. cit. part. II. sect. xxi.

voluntatis, ut vocant, que gratia illustrationis longe firmior ac fortior est, vindicat et adstruit S. Augustinus aduersus Pelagianos in lib. cit. Imo ulterius progeditur; disputans enim aduersus monachos Adrumentinos totus in eo est, ut gratiam hanc sanitatis, qua instruitur homo lapsus per Christi merita, effeat et commendet pre illustrationis gratia, qua praeditus erat homo innocens. Inter cetera porro discrimina et hoc recenset, quod gratia illa dederit primo homini solam perseverantie possibilitatem seu potentiam; cum haec conferat et ipsam perseverantiam, ut patet in praedestinatis, qui eam actu habuerunt; etsi magna intercedat disparitas inter conditionem hominis innocentis et hominis lapsi relate ad facilitatem vel difficultatem perseverandi, ut ipse S. Doctor late prosequitur (1). Perperam tamen quispiam inferret, non dari hominibus lapsi aliam gratiam praeter efficacem, aut perseverantiam ipsam finalem, prout activa et passiva est. Nunquam talis mens fuit S. Augustini, ut constat ex omnibus locis, que ex ipso adduximus, et longe pluribus, que afferri possent. Si his addatur, quod alias non semel animadvertisimus, hanc gratiae efficaciam ex praescientia Dei, que ipsius omnipotentiam comitetur, repeti a S. Doctore, patet, totam male constructam corruere adversariorum machinam (2).

Ad 1 prob. Dist. Pro certo sumit S. Augustinus, dari disparitatem inter gratiam hominis innocentis ac lapsi, quod nempe illa fuerit illustrationis et hæc præ-

(1) N. 58.

(2) Cfr. Tricassin. op. cit. part. ii, sect. xviii; tum in op. cui titulus: *De praedestinatione ad gloriam*, pag. i, sect. iv, puncto i, ubi plura profert S. Augustinus testimonium ad hoc evincendum. Cfr. etiam eundem auctorem *De indifferenti*, etc., part. ii, sect. lv. Satis hic sit, luculentissimum testimonium adducere ex S. Doctore, inter innumera que afferri possent, ut patet, ipsum plenam ac perfectam agnoscere hominis lapsi electionem sub gratia. Sic enim loquitur in Evar. in Ps. li, expounens verba illa *Dilexisti malitiam: benignitas ante te; iniurias ante te; compara et eligi. Et infra ibid. loquens de lingua: Ante te, inquit, est aquitas, ante te est iniurias, unam linguam habes, quo vis eam vertis: quare ergo potius ad iniuriam, et non ad aquitatem?... Sicut eligis quo vescaris, sic eligi, quid loquaris; præponis iniuriam aquitati, et præponis malitiam benignitati, tu quidem præponis. Et infra: Ecce, quo te teneas, ad id quod manet in eternum. Nam ad fænum et ad florem feni si te teneris, quoniam fænum arescit, et flos decidet, destruet te Deus in finem* (n. 10 et 12). Ubi evidenter omnino modum liberam electionem boni aut mali S. Doctor commendat, et propriam hominis determinationem ad unum eorum per hæc verba: *tu præponis et quo te teneas. Et rursus in Ps. xcii, n. 5: Satanas, inquit, astutiam suadendi habet. Sed si Satanas loqueretur, et taceret Deus (scilicet non suadens contrarium per gratiam suam), haberes unde te excusas; modo aures tue posito sunt inter monentem Deum et suggestorem serpentem. Quare huc flectuntur, et hinc avertuntur? Non cessat Satanus suadere malum; sed nec Deus cessat admonere bonum. Satanus autem non cogit invitum; in tua potestate est consentire aut non consentire, etc. Quid clarius pro libera electione sub gratia, que respui possit?*

terea inspirationis, conc.; quod illi resisti potuisse, isti vero non possit, neg.

Ad 2, Dist. Ita ut per *adjutorium sine quo* significet S. Doctor gratiam illustrationis et per *adjutorium quo* gratiam inspirationis, que praedestinatis tribuat ipsam actualem perseverantiam, conc.; gratiam indifferentem et gratiam solum efficacem pro status diversitate, neg. Responsio patet ex dictis (1).

Obj. texta. Pro quodam gratia pugnaverit S. Augustinus melius cognosci nequit quam ex doctrina Pelagianorum ac Semipelagianorum, aduersus quos aegabat. Atqui certum est, totam controversiam, que inter hos et S. Augustinum agitata est, versatam fuisse in eo, quod isti sectari contulerent, tam esse gratiam, que hominibus in presenti conditione conceditur, cui humana voluntas resistere posset aut obtemperare; S. vero Augustinus hanc sententiam velut hereticam insectaretur. 1° Etenim Pelagius admiserat gratiam possibilis, cum qua sciens homo possit bene agere; 2° hanc possibilitem vocabat gratiam; ac 3° profitebatur eam a Deo gratuito tribui, 4° adieciebat præterea per gratiam a Deo concessam hominem salutariter agere posse, dummodo velit eidem gratie assentiri. 5° Attamen S. Augustinus ejusmodi gratiam constantem rejecit, eo quod illi contulerent. Ergo.

Resp. Neg. min. Sed tota controversia in eo fuit, quod, cum Pelagiani insciarentur peccati originalis propagationem, nullam admitterent gratiam medicinalis necessitatem, qua voluntas infirma sanaretur ad bonum agendum et ad superanda salutis impedimenta sive interna sive externa. Hinc prius solam admiserunt gratiam creationis, quam et possibilis voluntate vocarunt, deinde gratiam legis ac doctrinae, tandem, ut nomini placet, etiam gratiam interioris illustrationis ad facilius operandum; at gratiam inspirationis seu medicinalem, que salaret voluntatem, eamque roboraret, nunquam admiserunt; et pro hujus necessitate pugnavit S. Augustinus. Semipelagiani hujus quidem necessitatem admiserunt ad opera bona, non tamen ad initium fidei ac perseverantiam, ut suo loco docuimus; quare primas partes in negotio salutis sibi tribuebant; et hunc errorem insectatus est S. Augustinus. De gratia autem efficacia nullam unquam cum illis controversiam habuit. Itaque.

Ad 1 prob. Dist. Pelagius admiserat gratiam possibilis, que nempe in solo consideret libero arbitrio, conc.; in gratia proprie dicta, nego, ut superius vidimus.

Ad 2, Dist. Vocabat gratiam ad illudendum Catholicis atque ad damnationem declinandum, conc.; vere ac proprie, neg.

Ad 3, Dist. Profitebatur, gratiam gratis concedi a Deo ut auctore naturæ, conc.; ut auctore gracie, neg.

Ad 4, Dist. Adiecit gratiam illustrationis, conc.; inspirationis sanantis voluntatem, neg.

(1) Lib. De predest. SS. cap. 4, n. 2.

(2) Apud Jans. De heresi pelag. lib. viii, cap. 3

e 7.

(Quarante-trois.)

Ad 3, Neg. Hoc enim aperte falsum est, et a solis Calvinistis et Jansenianis excoigitatum ad calumniam struendam adversus doctrinam catholicam (1).

Ad 6, Neg. Haec siquidem est ipsa propositio Jansenii ut falsa et heretica proscripta, prout paulo ante ostendimus.

Ad 7, Dist. Dempia fide, quam meritis suis Semipelagiani adscribent, aut saltem desideriis aut nature conatibus, conc.; etiam ad initium fidei, neg.

Ad 8, Dist. Ita tamen ut ejus initium Semipelagiani sibi tribuerent, conc.; secus, neg. Aliud enim est loqui de fide formalis, aliud vero de vocatione ad hanc fidem, circa quam errabant Semipelagiani, ut pariter suo loco ostendimus.

Ad 9, Dist. Id est, Faustus, trans.; Vitalis, subdist. primas partes in negotio salutis tribuebat gratiae illustrationis, ut Pelagiani, conc.; inspirationis sanantis infirmitatem per peccatum in voluntate contractam, neg. Sic enim Semipelagianorum errorem refert S. Prosper, scribens ad S. Augustinum (2). Imo et Augustinus ipse eos impugnans ait: *Hæc est illa Pelagianorum mala meritoque reprobata... sententia, qua dicunt gratiam Dei non ad singulos actus dari, sed libero arbitrio esse vel in lege atque doctrina* (3).

Ad 10, Neg. Gennadium inter Semipelagianos recensendum esse; quod si interdum ipsis plus quam par esset Gennadius indulxit, ab eorum sententia recessit; nihilque in opere citato occurrit, quod Semipelagianismum sapiat. Quare loco cit. catholicam doctrinam expressit (4).

(1) Cfr. Tricassin. *De indifferenti*, etc. part. 1, sect. v, § 1.

(2) En ejus verba, quibus de Semipelagianorum errore edocet S. Augustinum: *Propositum autem votantis gratie* (qua est ad primam fidem) *in hoc omnino definitum, quod Deus constituerit nullum in regnum suum nisi per Sacramentum regenerationis assumere, et ad hoc salutis donum (nempe initium) omnes homines universaliter sive per naturalem, sive per scriptam legem, sive per Evangelicam prædicationem vocari (scilicet per solam gratiam illustrationis et guidem extrinsecam seu objectivam), ut et qui voluerint (nempe per liberum arbitrium cum sola prædicta gratia illustrationis seu intellectus) sicut filii Dei, et inexcusabiles sint qui fideles esse voluerint, etc.* Epist. premissa lib. S. Aug. *De prædes.* SS. n. 4.

(3) Cfr. plura testimonia apud Tricass. op. cit. part. 1, sect. iii et seqq.

(4) Cfr. Maffei, *Hist. Theol.* lib. xvi, cap. 10, ubi Gennadium ostendit virum fuisse catholicum. Sane Gennadii sicut scribit: *Manet itaque ad quærendum salutem arbitrii libertas, sed admonenter prius Deo et invitante ad salutem. Nullum credimus ad salutem, nisi Deo invitante, venire. Inter op. August. tom. viii, pag. 78, apud eundem Maff. loc. cit. Ipse Nat. Alex. Diss. iv, in hist. eccl. sœc. v, agens de libro Gennadii, ex quo objectum est testimonium, nempe De dogmat. ecclesiast. dicit eum catholicum esse et dogma ab Arausiana Synodo traditum in eo contineri, et a Gennadio jam resipiscere fuisse editum et missum ad Pontificem Gelasiuum. Cfr. Meyer, *Hist. de Aux.* vol. ii, pag. 531. Circa S. Faustum Regensem, de cuius orthodoxyia a Norisio, Tillemontio aliquis dubitatum est, cfr. Stillingus, tom. viii, mensis Septembris, ad diem xxviii, ubi § viii et seqq. pag. 670 et seqq.*

Obj. quarta. Gratia sufficiens est inutilis, perniciosa, ideoque Deo indigna. Ac 1° quidem inutilis est, eum ad operandum nihil inserviat; caret enim effectu. 2° Sed præterea est perniciosa, *qua nemo unquam, fatentibus etiam scholasticis, nisi majorem damnationem assecutus est* (1). 3° Sane nisi talis esset, posset peti a Deo; quod tamen nemo dicet. 4° Hinc Ecclesia semper petit gratiam efficacem. 5° Quorsum enim Deus eam daret, cum jam præviderit eam nonnisi in perniciem esse cesseram? Indigna proinde Deo est. Ergo.

Resp. Dist. antec. In sensu Janseniano, conc.; in sensu catholicico, neg.

Ad 1, prob. Dist. Ad operandum nihil inservit, et caret effectu ex culpa hominis, qui eam respuit, conc.; ex defectu sui, neg. Omnes enim ejusmodi difficultates, et si quæ sunt aliae, laborant, ut Logici loquuntur, falso supposito; ex eo enim oriuntur, quod ponatur intrinsicum discrimen inter gratiam efficacem et gratiam sufficientem, quod tamen Ecclesia non docet. Si igitur gratia sufficiens nil aliud est nisi gratia rejecta, seu gratia quæ ex sola hominis malitia effectu suo caret, patet, nullam inde peti amplius posse difficultatem. Nihil enim ejusmodi gratiae deest, quod requiratur ad effectum obtinendum, sola siquidem perversa hominis voluntas efficit, ut

prelixa dissertatione ipsum defendit ab omni erroris suspicione. Quoniam vero de Gennadio et Fausto agitur, placet affirme judicium, quod Gennadius tulit de libris Fausti, ut appareat urbisque orthodoxya: *Edit quoque (Faustus), inquit, opus egregium De gratia Dei, qua salvamur et libero humano mentis arbitrio, in quo salvamur. In quo opere docet, gratiam Dei semper et invitare et præcedere et juvare voluntatem nostram; et quidquid ipsa libertas arbitrii pro labore pie mercedis acquisierit, non esse proprium meritum, sed gratiae donum.* Ita in Catalogo illustrum virorum inter opp. S. Hieronym, edit. Röm 1572, tom. ix, pag. 316. Hæc erunt animadversa ad fraudem prævendam Jansenii, qui ut facilius, hereticam doctrinam suam tanquam catholicam obtrudat, solet erroris postulare plures antiquos Scriptores catholicos ut evincat errorem Semipelagianorum in eo stetisse, quod velle immunitatem a necessitate consistere sub gratia. Quidam minus canti decepti sunt. Si Jansenistas audias, quotquot non admittunt sua paradoxa, totidem Pelagiani aut Semipelagiani sunt; hinc illæ querela, quod nulla heresies adeo diffusa sit, nec tam in perseveraverit. Ita Grégoire, *Hist. des Sectes*, tom. II, *Nouveaux Pelagiens*, pag. 295: *Le Pelagianisme est l'erreur la plus répandue... l'erreur d'une foule de prétendus chrétiens qui, sans le professer extérieurement, complent sur leurs forces naturelles pour opérer le bien. A cette erreur se rattachent toutes les défections qui, dans le cours des siècles, ont affligé l'Eglise (exceptis Lutheranismo, Calvinismo et Jansenismo).* Illum tamen recreat et consolatur, quod: *L'Italie eut toujours d'habiles défenseurs de la doctrine de S. Augustin sur les vérités de la grâce. Parmi les écrivains italiens qui, dans ces derniers temps, les ont soutenues, se distinguent Tamburini, Natali, Palmieri,.. l'archiprêtre Guadagnini.*

(1) Ita Jans. *De grat. Salvatoris*, lib. iii, cap. 5, ubi inquit: *Jam vero quid monstruosus proferri potest quam quoddam distinctum a ceteris adulorii genus, quod nunquam ab initio lapsus humani generis usque ad judicii diem, nullum in humana voluntate effectum habuit aut habiturum est?*

ea non producat effectum, ad quem expeditam ac plenam tribuit facultatem.

Ad 2, Neg. Nemo enim Catholicorum docet, quod ipsis affingit Jansenius. Hinc jure Alexander VIII hanc Synnichii propositionem confixit: *Gratia sufficiens statu nostro non tam utilis quam perniciosa est, sic ut proinde merito possimus petere; a gratia sufficienti libera nos, Domine* (1).

Ad 3, Dist. Possit peti a Deo prout simpliciter gratia est, conc.; prout sufficiens est, seu reduplicative sumpta, neg. Esset enim, iuxta dicta, petere a Deo resistantiam gratiæ, quam ipse confert.

Ad 4, Neg. Sed Ecclesia petit ac efflagitat in genere Dei gratiam ad bene agendum.

Ad 5, Resp. eadem ratione Deum largiri gratiam, quam prævidet in perniciem cesseram esse ei, qui pervicaciter ipsi resistit, qua tot bona etiam in ordine naturali misericorditer tot hominibus tribuit, eti prævideat ea in muscipulam fore pedibus insipientium. Cum enim ipse ingenium, opes, valetudinem aliaque ejusmodi hominibus tribuit, profecto patefacit bonitatem suam, eti prævideat ex recipientium malitia vertenda ea esse in injuriam munisci largitoris et in ruinam atque extremam eorum perniciem, qui illis abusuri sunt. Resolvitur præterea haec quæstio in alteram generalem de permissione mali moralis; de qua recoluntur, que suo loco disputavimus (2).

CAPUT V.

DE GRATIÆ DISTRIBUTIONE.

Conjungunt sese invicem ea, que suo loco scripsimus de vera ac sincera voluntate Dei salvandi omnes et singulos homines ac de morte Christi ex eodem affectu pro omnibus et singulis hominibus, et ea qua nunc in questionem veniunt circa gratia divina distributionem; in eo posteriori hoc argumentum ab illo priori pendet. Nec enim Dei voluntas sterilis est; et, si ipse, ad hominum salutem, ipsam decrevit Christi mortem, dubium superesse potest, quin ob Christi merita velit omnibus ac singulis hominibus subsidia necessaria conferre, quibus isti salutem sibi comparare valeant? Hinc Jansenista qui cum Noyatoribus contendunt, non omnibus gratiam a Deo conferri necessariam ad salutem, hoc ipso negarunt, Deum sincere velle omnes omnino homines salvos fieri, et Christum pro omnibus prorsus hominibus mortem obiisse aut sanguinem suum fuisse; adeo arcuus est nexus ac

(1) Cfr. Viva, *Damnatar. Thesum theologica Trutina*, ad Prop. vi inter damnatas ab Alex. viii. Paria huic damnatae propositione protulit Gerberonius, qui scribere ausus est: *Si diabolus posset gratiam dare, non aliam daret quam sufficientem, quia sicut ipsius intentioni homines damnandi. Unde potest appellari gratia damnationis. De Gerberonio ejusque libris cfr. Le véritable esprit des nouveaux disciples de S. Augustin, tom. II, Lettre d'un docteur de Sorbonne à un homme de qualité sur le procès fait par Mr. Larchevêque de Molines à Dom Gabriel Gerberon, moine bénédictin de la Congreg. de S. Maur, pag. 1214 et seqq.*

(2) De Deo, n. 158 et seqq.

dependentia alterius articuli ab altero. Quare, post ea quæ fusius in *Tractatu de Deo disputavimus* (1), supervacaneum videretur, hanc adnectere peculiarem disceptationem; cum tamen suis argumentis et adstruatur ac impugnetur quod de gratiæ distributione traditur, cogimur proinde de ea, data opera, disse-

re. Ut autem ab ordine ac perspicuitate non digrediamur, despescere debemus ea, que de fide sunt, ab iis, quæ eudem certitudinis gradum minime obtinent. Ex his porro, quæ dogma non attingunt, alia sunt quæ communè fere suffragio catholicis Theologis probantur, alia autem quæ privati doctores aut insinuant aut saltem in dubium revocant, secus ac ferat catholicæ doctrinæ pia sententia, quæ non patitur Deum exhiberi gratiarum suarum avarum, qui reipsa avarus non est nisi animarum nostrarum (2). Itaque Jansenista contendunt, vel ipsis justis voluntibus ac comitibus interdum deesse Dei gratiam, quæ valeant Dei præcepta adimplere; multo magis id affirmant de peccatoribus fidelibus, præsentim vero de impiis illis, qui vulgo obcœcatai et indurati audiunt, ac de infidelibus. Nonnulli Theologi cum iis consentiant circa peccatores obduratos et obcœcatos, maxime vero quoad infideles; eti cum ceteris teneant, non negari a Deo gratias peccatoribus communib; Nos igitur totidem propositionibus primo de justis, deinde de peccatoribus, postea de obcœcatis et obduratis, denique de infidelibus disceptabimus.

Premitimus vero, 1° hic non agi de distributione gratiæ efficacis, cum nemo sit, qui contendat hanc omnibus dari, sed solum de distributione gratiæ proxime aut remote sufficientis, juxta notionem quam de ea præbamus, quæ nempe veram, completam ac relate ad præsentes subjecti circumstantias bene operandi facultatem tribuat; 2° non agi de sola gratia oblatione, ut nonnulli minus accurate loquuntur aut etiam subdole, ut suum faciant imperitis, sed de reali gratia collatione. Ille enim qui esurienti panem offerret, quem tamen ipse attingere nequeret, ei illu-

(1) Cfr. n. 460 et seqq.

(2) Ita passim S. Augustinus, qui Deum vocat *avarium salutis nostræ et animarum nostrarum*. Jam vero Deus profecto non esset avarus animarum, si earum aliquas relinqueret sine gratia sufficienti ad opera bona facienda, ad malæ vitanda et ad consequendam vitam æternam, ut per se patet; siquidem proprium avarorum est, nihil prætermittere eorum, quæ necessaria sunt ad acquirendam pecuniam. Porro S. Augustinus ita Deum avarum exhibere, constat ex Serm. xv, apud Sirmundum, apud Maurinos vero Serm. cxxv, n. 8: *Parum est, inquit, Domino meo, avarus est, sed avaritus Dei salutis nostra est. Avarus est, nummos suos querit (bona opera nostra), imaginem suam colligit (scilicet animas nostras, quæ ad ejus imaginem factæ sunt). Dares, inquit, pecuniam numerularis, et ego veniens cum usuris exigem. Et Serm. xxxv inter Sirmidianos, apud Maur. ccclix, n. 2: Consolatur te non avarus Frater tuus (Christus)... Dixi eum non avarum, et forte invenio avarum. Avarus est; sed nos vult habere, nos vult acquirere. Pro nobis tantum præmium dedit se ipsum; nihil ad hoc præmium addi potest Enarr. in Ps. xcix, n. 40, scribit: Avarus est Deus salutis nostræ.*